



NARKOMAFIJA Velika akcija pripadnika SIPA-e u Zenici



Kuća Gutlićevih u Raspočju

Privođenje osumnjičenih u prostorije SIPA-e

(Foto: SIPA)

Prijevoznici krijumčarili drogu u Hrvatsku i Austriju

Braća Ismet i Enes Gutlić te Jasmin Ibraković imali prijevoznike firme i vozili ture ka Austriji i Sloveniji • Privedeno šest osoba

Prema nalogu Tužilaštva BiH, u združenoj operativnoj akciji kodnog naziva "Zenit" policijski službenici Državne agencije za istrage i zaštitu (SIPA) i pripadnici Ministarstva unutrašnjih poslova Zeničko-dobojskog kantona (MUP ZDK) pretresli su jučer objekte na osam lokacija te uhapsili šest osoba.

Zasebna grupa

Prema saznanjima našeg lista, u kući u naselju Raspočje uhapseni su braća Ismet i Enes Gutlić, a u stanu u naselju Crkvice Jasmin Ibraković. Uhapseni su i Adnan Sadibašić i Salko Bešo, te Edina Šarić iz Gradačca.

U pretresima je pronađeno skoro 600 grama spi-

Biznis propao

Prema tvrdnjama komšija, biznis braće Gutlić propao je pa su im kamioni i imovina pod hipotekom. U međuvremenu, bili su i

da i smjese za miksiranje droge, kao i manja količina skanka, četiri precizne digitalne vage, dva pištolja sa šest okvira, 91 komad pištoljske municije, više mobilnih telefona i SIM kartica te drugi predmeti koji mogu poslužiti kao dokaz u daljnjem postupku, saopćeno je iz SIPA-e

Akcija "Zenit" nastavak je sinhronizirane operativne akcije suzbijanja međunarodne trgovine opojnom dro-

žrtve kamataru, koji su u nekoliko navrata dolazili i prijetili Gutlićima, o čemu, navodno, postoje i policijski izvještaji.

gom, u okviru koje su u prethodnom periodu policijski organi Republike Hrvatske zaplijenili 3,2 kilograma spida i sedam kilograma smjese za miksiranje navedene droge koja je krijumčarena iz Kraljevine Holandije prema BiH, dok su nadležni organi Austrije zaplijenili skoro 300 grama opojne droge skank, koja je krijumčarena sa područja BiH u Austriju.

- Radi se o većoj akciji praćenja komunikacija u

Hrvatskoj i Austriji putem koje je u Hrvatskoj pao i Suljo Škapur. U istoj priči, ali kao odvojeni slučaj, uhvaćene su i komunikacije ove grupe, koja je potom zasebno praćena - kaže naš izvor.

Uhapšen vozač

To potvrđuje i informacija da su braća Gutlić u Raspočju imala prijevozniku firmu "Enis trans", dok je i Ibraković, prema našim saznanjima, imao registriran prijevozniki obrt "Jasko". Njihove ture su i bile upravo ka Sloveniji i Austriji. U Hrvatskoj je prije nekoliko dana uhapšen Ibrakovićev vozač Mensur Spahić iz Orahovice kod Zenice.

A. DZONJIC